

Allannguutissatut siunnersuut

uunga

**Uunga siunnersuut: Pisortat Pisiortortarneranni Neqerooruteqartitsinermi  
Maalaaruteqartarfik pillugu Inatsisartut inatsisaat nr. xx, xx. xxx 2018-imeersoq**

Aappassaanneerinissamut Naalakkersuisunit saqqummiunneqartoq

Qulequtaanut

1. Qulequtaa imatut oqaasertalerneqarpoq:

**”Pisortat Pisiortortarneranni Neqerooruteqartitsinermi Maalaaruteqartarfik pillugu  
Inatsisartut inatsisaat nr. xx, xx. xxx 2019-imeersoq”**

§ 1-imut

2. § 1, *imm. 1* imatut oqaasertalerneqarpoq:

” § 1. Pisortat Pisiortortarneranni Neqerooruteqartitsinermi Maalaaruteqartarfik pisortani oqartussat aamma sullissiviit nioqqutissanik aamma kifpartuussissutinik pisiniarnerannut atatillugu neqerooruteqartitsisarneq pillugu inatsisartut inatsisaanni kiisalu sanaartornermi neqerooruteqartitsisarneq pillugu inatsisartut inatsisaanni aalajangersakkanik unioqqutitsineq pillugu naammagittaalliuutinik suliaqassaaq.”

3. § 5 imatut oqaasertalerneqarpoq:

” § 5. Naammagittaalliuut suliamut tunngatillugu ilanngussartalik suliaqartup naammagittaalliuutaata inerniliiffigineqarnerata aalajangiiffigineqarnerataluunniit kingorna kingusinnerpaamik sapaatit akunneri sisamat qaangiutsinnagit allaganngorlugu Pisortat Pisiortortarneranni Neqerooruteqartitsinermi Maalaaruteqartarfimmuut tunniunneqassaaq.

*Imm. 2.* Kingusinnerpaamik naammagittaalliuutip maalaaruteqartarfimmuut tunniunneqarneranut peqatigitillugu naammagittaalliuuteqartup suliaqartup suliaqartup pillugu naammagittaalliuuteqartup allaganngorlugu nalunaarutigissavaa.

Naammagittaalliuut naammagittaalliuuteqartup naammagittaalliuuteqartup naammagittaalliuuteqartup nalunaarutaata assilineranik ilaqartinneqassaaq.

*Imm. 3.* Naammagittaalliuutiginneqartoq suliaqartup suliaqartup tunngavissiiingippat maalaaruteqartarfup naammagittaalliuut aalajangiinermigut itigartissinnaavaa, tamanna naammagittaalliuuteqartup naammagittaalliuuteqartup naammagittaalliuuteqartup nalunaarutigineqassalluni.

*Imm. 4.* Pisortat oqartussaaffigisaanni suliffeqarfiinilu nioqqutissanik kiffartuussinernillu pisinermut tunngatillugu neqerooruteqartitsisarneq pillugu inatsisartut inatsisaat naapertorlugu naammagittaalliummik tunniussinermi naammagittaalliuuteqartoq naammagittaalliuuteqarnermut akitsuummik kr. 10.000-inik akiliuteqassaaq.

*Imm. 5.* Sanaartornermi neqerooruteqartitsisarneq pillugu inatsisartut inatsisaat malillugu naammagittaalliummik tunniussinermi, naammagittaalliorloq sanaartugassanut akigititassap 1 procentiatut ilusilimmik naammagittaalliuuteqarnermut akitsuummik akiliissaaq, taamaattoq annerpaamik kr. 100.000-inik.

*Imm. 6.* Imm. 3 malillugu naammagittaalliuut itigartitsissutigineqarpat, imm. 4 aamma 5 malillugit naammagittaalliuuteqarnermut akitsuut akiliutigineqartoq utertinneqassaaq.

*Imm. 7.* Naammagittaalliuuteqarnermut akitsuut akiliutissaq akilerneqartinnagu maalaaruteqartarfiup naammagittaalliuut suliaralugu aallartissanngilaa. Naammagittaalliuutit tunniunneqarneranit kingusinnerpaamik sapaatip akunneri sisamat qaangiuppata naammagittaalliuuteqarnermut akitsuut akilerneqarsimanngippat naammagittaalliuut atorunnaartutut isigineqassaaq.

*Imm. 8.* Naammagittaalliorloq naammagittaalliornermini tamakkiisumik ilaannakuusumilluunniit taperserneqarpat, imm. 4 aamma 5 malillugit naammagittaalliuuteqarnermut akitsuut utertinneqassanersoq, pillugu maleruagassanik erseqqinnerusunik Naalakkersuisut aalajangersaasinnaapput.”

## § 2-imut

4. § 17 imatut oqaasertalerneqarpoq:

” § 17. Inatsisartut inatsisaat 1. juli 2019 atuutilerpoq.

*Imm. 2.* Inatsisartut inatsisaat neqeroortitsineranut 1. juli 2019 kingusinnerusunumilluunniit pilersuisumut isumaqatigiissuteqarfigineqartunut atuuppoq.”

*Namminersorlutik Oqartussat, ulloq xx. xxx 2019*

Siunnersuummut nassuiaatit

### **Nassuiaatit nalinginnaasut**

Pisortat Pisiortortarneranni Neqerooruteqartitsinermi Maalaaruteqartarfik pillugu Inatsisartut inatsisaanni nr. xx, xx. xxx 2018-imeersumi, pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu inatsisartut inatsisaat nr. xx, xx. xxx 2018-imeersoq naapertorlugu naammagittaalliuutigineqartut kisimik suliarineqarsinnaapput.

Illuliortiternermut sanaartornermullu suliaasaqarfimmi Neqeroortitsineranut

Naammagittaalliortarfimmik peqareerpoq, tamanna pillugu sanaartornermi neqerooruteqartitsisarneq pillugu inatsisartut inatsisaat nr. 11, 2. december 2009-meersumi aalajangersakkani maleruagassiivigineqartumik. Taamaalilluni ullumi ulloq naammagittaalliortarfiit marluk pisortat neqeroortitsinerannik naammagittaalliuutinik suliarinnittarput.

Tamanna tunngavigalugu aamma sanaartornermi neqerooruteqartitsisarneq pillugu inatsisartut inatsisaat nr. 11, 2. december 2009-meersup unioqqutinneqarnera pineqartunut ilaatilerlugu, Pisortat Pisiortortarneranni Neqerooruteqartitsinermi Maalaaruteqartarfiup akisussaaffeqarfiisa annertusitinneqarnissaat naleqqunnerpaasorinarpoq. Taamaalilluni naammagittaalliortarfiit ingiaqatigiissut, taamaalilluni pisortat neqeroortitsinerannut naammagittaalliuutinik suliaqarfiusussat, marluujunnaassapput.

Taamaalilluni allannguutissatut siunnersuut uunga siunnersuut tunngavigalugu saqqummiunneqarpoq: Sanaartornermi neqerooruteqartitsisarneq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx. xx. xxx 2019-imeersoq, tassani neqerooruteqartitsisarneq pillugu inatsit naapertorlugu maalaarutit Pisortat Pisiortortarneranni Neqerooruteqartitsinermi Maalaaruteqartarfimmut nuunneqarlutik.

Maalaaruteqartarfiit marluk taakkua ataatsimoortinneqarnissaannut siunnersuut matumuuna aammalu aalajangersakkat Neqeroortitsisarnermut Maalaaruteqartarfimmut tunngassuteqartut atorunnaarsinneqarnissaat pillugu sanaartornermi neqerooruteqartitsisarneq pillugu inatsisartut inatsisaat nr. 11, 2. december 2009-meersumut allannguutissatut siunnersuutigineqartumut ingiaqatigitillugu, saqqummiunneqarpoq.

Naggataatigut qulequtaatut siunnersuutigineqartoq allanngortinneqarpoq. Allannguut siunnersuutip aappassaanererneqarnissaata UPA 2019-imut kinguartinneqarnera tunngavigalugu qulequtaanik naqqiissutaavoq.

### **Siunnersuummi aalajangersakkanut ataasiakkaanut nassuiaatit**

#### Nr. 1-imut

Allannguut siunnersuutip aappassaanererneqarnissaata UPA 2019-imut kinguartinneqarnera tunngavigalugu qulequtaanik teknikkikkut naqqiissutaavoq.

#### § 1-imut

#### Nr. 2-imut

(§ 1, imm. 1)

Aalajangersakkami aalajangerneqarpoq, pisortani oqartussani aamma sullissivinni

nioqqutissanik kiffartuussissutinillu pisiniarnermut atatillugu neqeroortitsisarneq pillugu Inatsisartut inatsisaata aamma sanaartornermi neqerooruteqartitsisarneq pillugu Inatsisartut inatsisaata unioqqutinneqarsimanerisa aalajangerneqarnissaat naammagittaalliornermi siunertaasimappat, Pisortat Pisiortortarneranni Neqerooruteqartitsinermi Maalaaruteqartarfimmut naammagittaalliortoqarsinnaasoq.

Nr. 3-imut

(§ 5, imm. 1)

Naammagittaalliuuteqarnissamut periarfissaq sapaatit akunneri avaqunneqarsinnaanngitsumik sisamaapput.

Suliakkiisup aalajangiineq neqerooruteqartumut nassiuppagu, aalajangiineq suliakkiisumit nalunaarutigineqarsimasutut isigineqassaaq.

Naammagittaalliummik suliaqarnissamut naammattumik piffissaqarnissaq, peqatigisaanillu neqeroortitsinerup ingerlanerata suliame akuusunit soqutigisaqartunillu inaarutaasutut sukkasuumik isigineqarsinnaanissaa, eqqarsaatigalugu, piffissamut killissaliussaq aalajangersarneqarpoq.

(§ 5, imm. 2)

Maalaaruteqartarfimmut naammagittaalliummik tunniussisoqarsimasoq, naammagittaalliortup naammagittaalliuutigineqartoq ilisimatinnissaanut pisussaaffeqarpoq. Ilisimatitsineq kingusinnerpaamik maalaaruteqartarfimmut suliap tunniunneqarnerani pissaq. Tassalu maalaaruteqartarfimmut naammagittaalliuutip tunniunneqannginnerani, ilisimatitsineq pisinnaavoq. Ilisimatitsinermi unioqqutitsisimaneraaneq pillugu paasisutissat sapinngisamik amerlanerpaat allassimassapput, ilanngullugu kinguartitsinermik sunniuteqartitsisoqarnissaa piumasaqaatigineqarnersoq.

Naammagittaalliortup naammagittaalliuutigineqartumut ilisimatitsissuteqarnera, piffissap suliassamik sularinniffiusup sivikitsuutinnissaa eqqarsaatigalugu, naammagittaalliorluni allakkiap ilanngussartaqartup assilinerata nassiunneqarneratigut, naleqqunnerpaamik pissaq, taamaattoq aalajangersakkami tamanna pillugu piumasaqaateqartoqarani.

(§ 5, imm. 3)

Aalajangersakkami, naammagittaalliuut suliassap sularineqarnissaanut tunngavissiiinissamut naleqqutinngippat, taassuma itigartitsinissamut maalaaruteqartarfik periarfissaqartinneqarpoq. Tamanna pissaq aalajangiineq naammagittaalliortumut naammagittaalliuutigineqartumullu nalunaarutigalugu.

Aalajangersagaq isumaqatiginninniarnermut tunngaviusup, maalaaruteqartarfimmi atorineqartup, kinguneraa, takuuk § 9.

(§ 5, imm. 4)

Naammagittaalliortoq, pisortat oqartussaaffigisaanni suliffeqarfiinilu nioqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat naapertorlugu aalajangersakkat naammagittaalliornermi tunngavigineqarsimappata, maalaaruteqartarfimmut naammagittaalliummik tunniussinissamut, naammagittaalliuuteqarnermut akitsuummik 10.000 koruuninik akiliissaaq.

(§ 5, imm. 5)

Sanaartornermi neqerooruteqartitsisarneq pillugu Inatsisartut inatsisaat naapertorlugu aalajangersakkat naammagittaalliummi tunngavigineqarsimappata, naammagittaalliortoq sanaartugassamut akigititap 1 procentianik akiliummik, taamaattoq annerpaamik 100.000 koruuninik, akiliissaaq.

Tamatumunnga assersuutitut taaneqarsinnaavoq, sanaartornermut akigititap 1.000.000 koruuniussimappat, akiliut 10.000 koruuniussimmat. Kisiannili sanaartornermut akigititap 5.000.000 koruuniussimappat, akiliut 50.000 koruuniussaaq. Sanaartornermut akigititap 15.000.000 koruuniuppat, akiliut 100.000 koruuniussaaq. Sanaartornermut akigititap 1 %-ia (150.000 kr.) akiliummut annerpaaffissaliussatut aalajangersarneqartoq 100.000 koruunit qaangersimammagu, akiliut taamatut aningaasartalerlugu aalajangersarneqassaaq.

(§ 5, imm. 6)

Aalajangersakkami aalajangersarneqarpoq, suliaq itigartinneqarpat, takuuk imm. 3, akiliut imm. 5 aamma 6 malillugit akilerneqarsimasinnaasoq, utertinneqassasoq.

(§ 5, imm. 7)

Naammagittaalliuuteqarnermut akitsuut akilerneqariinngippat, maalaaruteqartarfiup naammagittaalliuutip suliarinissaata aallartinnissaanut periarfissaqanngilaq. Ilanngullugu maalaaruteqartarfik kinguartitsinermik sunniuteqartitsisoqarsinnaaneranut isummernissamut periarfissaqanngilaq. Naammagittaalliuuteqarnermut akitsuut, naammagittaalliuutip tunniunneqareernerata kingorna, kingusinnerpaamik sapaatit akunneri 4-it qaangiunneranni akilerneqarsimanngippat, naammagittaalliuut atorunnaartutut isigineqassaaq. Maalaaruteqartarfiup suliaq paasissutissii vigineqarsimanissaa akisussaaffigaa, taamaalillunilu naammagittaalliuuteqarnermut akitsuut akilerneqariinngippat suliaq aallartinneqarsinnaanngitsoq, aammalu naammagittaalliuuteqarnermut akitsuut kingusinnerpaamik naammagittaalliuutip tunniunneqarnerata kingorna sapaatit akunnerisa 4-it qaangiunneranni akilerneqarsimanngippat atorunnaassasoq, naammagittaalliortup ilisimatinnissaanut maalaaruteqartarfik pisussaaffeqassaaq.

(§ 5, imm. 8)

Naammagittaalliortoq naammagittaalliummi tunniunneqartumi tamakkiisumik ilaannaasumilluunniit taparserneqarpat, naammagittaalliuuteqarnermut akitsuut

utertinneqassanersoq, pillugu maleruagassanik erseqqinnerusunik Naalakkersuisut aalajangersaasinnaanerat, aalajangersakkani tunngavissinneqarpoq. Taamaaliornermi naammagittaalliuuteqarnermut akitsuusiinermut tunngavilersuutit ilaat tassaasoq, ilaatigut maalaaruteqartarfimmi suliassanik sularinninnermi piffissamik sivisunerulersitsisumik, tunngavissaqanngitsumik naammagittaalliortut amerlavallaalinnginnissaasa, qulakkeernissaa, aningaasaqarnikkut nalilersuinermi ilaatinneqassaaq. Naammagittaalliuuteqarnermut akitsuut taamaalilluni naammagittaalliorniarnermi isumaliutersuuteqaqqinnissamut naammagittaalliorumasinnaasumut kajumissaasiisoqarpoq. Kisiannili naammagittaalliuuteqarnermut akitsuusiinermi, naammagittaalliornissamut pisinnaatitaasup maalaaruteqartarfimmut naammagittaalliummik tunniussinnginnissaa, siunertarineqanngilaq. Taamaattumik aalajangersakkami matumani allassimavoq, naammagittaalliortoq tamakkiisumik ilaannaasumilluunniit taperserneqarpat, akiliut utertinneqarsinnaasoq.

#### *§ 2-imut*

Nr. 4-imut

(§ 17, imm. 1)

Siunnersuutigineqarpoq Inatsisartut inatsisaat ulloq 1. juli 2019 atuutilissasoq. Inatsisartut inatsisaat taamaalilluni kingumoortumik atuutissanngilaq.

(§ 17, imm. 2)

Inatsisartut inatsisaat ulloq 1. juli 2019 kingusinnerusumiluunniit pilersuisumut isumaqatigiissuteqarfigineqartumik pisiniarnernut atuuppoq.